

Na osnovu člana člana 39. Statuta općine Čelić („Službeni glasnik općine Čelić“ broj 3/2017), Budžeta općine Čelić za 2018. godinu broj: 01-14-2162/17 od dana 29.12.2017. godine, člana 22. Odluke o izvršenju Budžeta općine Čelić za 2018. godinu broj: 01-14-2162/17 od dana 29.12.2017. godine, općinski načelnik donosi

ODLUKU

o uslovima i načinu za ostvarivanje prava na jednokratnu novčanu pomoć nezaposlenoj majci/porodilji novorođenog djeteta

Član 1.

Ovom Odlukom utvrđuju se uslovi i način za ostvarivanje prava na jednokratnu novčanu pomoć nezaposlenoj majci/porodilji, postupak utvrđivanja prava, nadležni organ koji odlučuje o pravu i izvoru sredstava potrebnih za jednokratnu novčanu pomoć.

Član 2.

Pravo na jednokratnu novčanu pomoć po ovoj Odluci imaju nezaposlene majke/porodilje novorođenog djeteta u 2018. godini koje imaju prebivalište na području općine Čelić.

Član 3.

Jednokratna novčana pomoć dodjeljivat će se nezaposlenoj majci/porodilji nakon upisa novorođenog djeteta u matičnu knjigu rođenih i to u iznosu od:

- 500,00 KM (slovima: petstotina konvertibilnih maraka) za treće i svako sljedeće novorođeno dijete.

Član 4.

O pravu za ostvarivanje jednokratne novčane pomoći nezaposlenoj majci/porodilji novorođenog djeteta odlučuje Općinski načelnik na prijedlog Službe za opću upravu, društvene djelatnosti i boračka pitanja općine (u daljem tekstu: nadležna služba).

Član 5.

Zahtjev za ostvarivanje prava na jednokratnu novčanu pomoć sa potrebnom dokumentacijom dostavlja se nadležnoj službi u roku od 90 dana od dana upisa novorođenčeta u matičnu knjigu rođenih.

Uz zahtjev se prilaže:

- Ovjerena kopija Izvoda iz matične knjige rođenih za dijete,
- CIPS-ova potvrda o prebivalištu majke,
- Ovjerena kopija lične karte,
- Žiro račun podnosioca zahtjeva,
- Potvrda Zavoda za zapošljavanje da se majka/porodilja nalazi na evidenciji nezaposlenih, odnosno ovjerena izjava da se ne nalazi u radnom odnosu majka/porodilja novorođenog djeteta koja nije prijavljena u evidenciji Zavoda.

Nadležna služba iz člana 4. ove Odluke dužna je, u roku od 15 dana od dana podnošenja zahtjeva, prijedlog Odluke dostaviti Općinskom načelniku na potpisivanje.

Član 6.

Novčana sredstva iz člana 3. ove Odluke će biti isplaćena korisniku prava iz Budžeta općine Čelić za 2018. godinu, a na osnovu odluke koju donosi Općinski načelnik.

Član 7.

Novčana sredstva za realizaciju ove Odluke planirana su u Budžetu općine Čelić za 2018. godinu na poziciji –Ostale isplate pojedincima –rođenje trećeg djeteta, ekonomski kod 614229.

Član 8.

Za realizaciju ove Odluke zadužuje se Služba za opću upravu, društvene djelatnosti i boračka pitanja općine i Služba za zajedničke, finansijsko –računovodstvene i poslove budžeta općine.

Član 9.

Ova Odluka stupa na snagu danom donošenja i objaviće se na općinskoj web stranici (www.opcinacelic.com).

Broj: 02-14-392/18

Čelić, 25.01.2018. godine



OPĆINSKI NAČELNIK

Sead Muminović